

BOSNA I HERCEGOVINA FEDERACIJA BOSNE I HERCEGOVINE <b>FEDERALNA UPRAVA ZA          INSPEKCIJSKE POSLOVE</b>	BOSNIA AND HERZEGOVINA FEDERATION OF BOSNIA AND HERZEGOVINA <b>FEDERAL DEPARTMENT FOR          INSPECTION AFFAIRS</b>	БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ <b>ФЕДЕРАЛНА УПРАВА ЗА          ИНСПЕКЦИЈСКЕ ПОСЛОВЕ</b>
Fehima efendije Čurčića br. 6, 71000 Sarajevo		Id broj: 4201159630005

**Broj: 01-05-6-02670-6/2016**

**Sarajevo, 09.06.2016. godine**

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspekcijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-05-6-02670-5/2016 od 09.06. 2016. godine, Direktor Federalne uprave za inspekcijske poslove, u ime ugovornog organa, d o n o s i

## O D L U K U

### o dodjeli ugovora o nabavci roba- Toneri i ketridži

#### I

Ugovor o nabavci usluga – Toneri i ketridži za potrebe Federalne uprave za inspekcijske poslove, po provedenom direktnom sporazumu, dodjeljuje se ponuđaču „Crobox“ d.o.o. Sarajevo.

Ugovor sa ponuđačem „Crobox“ d.o.o. Sarajevo, zaključit će se pod slijedećim uslovima:

- Ukupna cijena bez PDV-a 5.993,45 KM, odnosno sa uračunatim PDV-om 7.012,34 KM.
- Rok isporuke: u roku od maksimalno 3 dana od dana sukcesivne narudžbe
- Garancija: primjenjuje se garancija proizvođača roba
- Rok plaćanja: plaćanje će se vršiti u roku od 30 dana od dana ispostavljanja fakture.

#### II

Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

#### III

Ova odluka će se objaviti na web stranici Federalne uprave za inspekcijske poslove.

## O b r a z l o ž e n j e

Direktor Federalne uprave za inspekcijske poslove je svojom odlukom broj 01-05-6-02670/2016 od 23.05.2016. godine pokrenuo direktni postupak javne nabavke roba-toneri i ketridži za potrebe Federalne uprave za inspekcijske poslove

Postupak je provela komisija za javne nabavke imenovana rješenjem direktora uprave broj 01-05-6-00465/2016 od 26.01.2016. godine.

Nakon prijema odluke o dodjeli ugovora, komisija je na sastanku održanom dana 23.05.2016. godine jednoglasno zaključila da je potrebno zahtjeve za ponudu dostaviti na adrese najmanje 3 ponuđača, a iz razloga postizanja što veće transparentnosti postupka direktnog sporazuma. U skladu sa navedenim, komisija je dana 24.05.2016. godine uputila zahtjeve za ponudu na adresu 3 ponuđača, i to: „Crobox“ d.o.o. Sarajevo, „SK Tradeing“ d.o.o. Sarajevo i „R&S“ d.o.o. Sarajevo. Komisija je u zahtjevu za ponudu navela da će se javno otvaranje ponuda obaviti u prostorijama uprave dana 3.6.2016. godine.

U zakazanom terminu, komisija je pristupila javnom otvaranju blagovremeno pristiglih ponuda, te je tom prilikom konstatovala da je pristigla samo jedna ponuda, i to ona od ponuđača „Crobox“ d.o.o. Sarajevo.

Ukupna cijena ponude navedenog ponuđača je iznosila 8.616,85 KM bez uračunatog PDV-a.

Fehima ef. Čurčića broj 6, 71000 Sarajevo, Tel: ++38733 563360, Fax: ++38733 563361

Nakon izvršenog uvida u pojedinačne ponuđene cijene komisija je konstatovala da su iste tržišno realne i prihvatljive, ali da ukupna cijena ponuđenih roba prelazi vrijednost od 6.000,00 KM koja je Zakonom o javnim nabavkama propisana kao gornja granica do koje se može provoditi direktni sporazum. Konstatovano je da su količine roba koje su tražene zahtjevom za ponudu predimenzionirane s obzirom na maksimalnu vrijednost direktnog sporazuma.

Kako bi se riješio navedeni problem, te istovremeno zbog hitnosti nabavke i realne potrebe Uprave za tonerima i ketridžima okončao postupak direktnog sporazuma za nabavku ovih roba, komisija je jednoglasno zaključila da se izvrši umanjivanje količina roba koje su definisane u zahtjevu za ponudu, i to na stavkama:

- 7. specifikacije: umjesto 80 komada da stoji 60 komada
- 10. specifikacije: umjesto 150 komada da stoji 100 komada i
- 11. specifikacije: umjesto 5 komada da stoji 2 komada.

Dogovoreno je da se prema ponuđaču „Crobox“ d.o.o. Sarajevo uputi zahtjev za dostavljanje ponude sa količinama korigovanim u skladu sa naprijed navedenim, s tim da se ponuđač obaveže da će cijene po stavkama za ponuđene robe biti identične onima datim u prvobitnoj ponudi.

Dana 07.06.2016. godine putem e-maila, navedenom ponuđaču je upućen zahtjev sa korigovanim količinama, te je ponuđač dana 08.06.2016. godine i dostavio ponudu broj 120/16 u koju su članovi komisije izvršili uvid i konstatovali da su cijene po stavkama identične onim iz prvobitne ponude.

Komsija je konstatovala da je ponuđač robe ponudio pod slijedećim uslovima:

- Ukupna cijena bez PDV-a 5.993,45 KM, odnosno sa uračunatim PDV-om 7.012,34 KM.
- Rok isporuke: u roku od 3 dana od dana sukcesivne narudžbe
- Garancija: primjenjuje se garancija proizvođača roba
- Rok plaćanja: plaćanje će se vršiti u roku od 30 dana od dana ispostavljanja fakture.

Komisija je jednoglasno donijela odluku da se direktoru uprave da preporuka da donese odluku kojom će ugovor o nabavci predmetnih roba dodijeliti ponuđaču „Crobox“ d.o.o. Sarajevo.

Nakon razmatranja dostavljene preporuke, Direktor je donio odluku kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u roku od 5 (pet) dana od njenog prijema.



DIREKTOR

Anis Ajdinović

Dostaviti:

1. „Crobox“ d.o.o. Sarajevo, Franjevačka broj 6, 71000 Sarajevo
2. Komsija za javne nabavke
3. Sektor za materijalno-finansijske i tehničke poslove
4. Sektor za tehničku podršku i plansko- analitičke poslove